

V L A D A

BOSNIA AND HERZEGOVINA

FEDERATION OF BOSNIA AND HERZEGOVINA

ВЛАДА

GOVERNMENT

Broj: 03-02-760-2/19
Sarajevo, 14.08.2019. godine

Босна и Херцеговина
Federacija Bosne i Hercegovine
PARLAMENT FEDERACIJE
SARAJEVO

Primljeno: 15 -08-2019			
Org. jed.	V i o j	Priloga	Vrijednost
05/2 - 02 -	144/19		

PARLAMENT FEDERACIJE BOSNE I HERCEGOVINE

Dom naroda

n/p gosp. Jasminu Duvnjaku, izaslaniku
n/p gosp. Izmiru Hadžiavdiću, tajniku

Predmet: Odgovor na izaslanička pitanja

Poštovani,

Sukladno odredbama članka 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10 i 62/10), a u svezi sa člankom 104. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03 i 21/09), u privitku Vam dostavljam akt Federalne uprave civilne zaštite, broj: 03-44/1-370-3-1/18 od 09. kolovoza 2019. godine, koji sadrži odgovor na izaslanička pitanja, koja je postavio izaslanik Jasmin Duvnjak.

S poštovanjem,



Privitak: kao u tekstu

Broj: 03-44/1-370-3-1/18
Sarajevo, 9.8.2019. godina

PRIMLJENO:	19.8.2019.
Objavljeno na:	19.8.2019.
članak:	03-02-760-2 2019

BOSNA I HERCEGOVINA
FEDERACIJA BOSNE I HERCEGOVINE
VLADA
n/r Edita Kalajdžić, sekretar Vlade

PREDMET: Odgovor na delegatsko pitanje, dostavlja se.-
VEZA: Vaš akt broj: 03-02-760-2/19 od 30.07.2019. godine

Vašim aktom broj i datum veze, radi odgovora, dostavljeno je delegatsko pitanje, koje je na 2. sjednici Doma naroda Parlamenta Federacije Bosne i Hercegovine, postavio delegat Jasmin Duvnjak.

U vezi sa naprijed navedenim dostavljam sljedeći odgovor:

Bosna i Hercegovina ima uspostavljene institucije, koje putem međuinsticijalne saradnje djeluju s ciljem efiksnog upravljanja migracijama.

U skladu sa Zakonom o ministarstvima i drugim organima uprave Bosne i Hercegovine („Službeni glasnik BiH“ br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17), Ministarstvo sigurnosti Bosne i Hercegovine nadležno je za staranje, kreiranje i provođenje politike useljavanja i azila u Bosni i Hercegovini, te uređuje procedure i način ustroja službe u vezi s kretanjem i boravkom stranaca u Bosni i Hercegovini, te vodi brigu o zaštiti međunarodnih granica.

Odlukom o formiranju Koordinacionog tijela za pitanja migracija Bosne i Hercegovine („Službeni glasnik BiH“ br. 10/13, 64/13, 1/14 i 20/16) Vijeće ministara Bosne i Hercegovine je uspostavilo stalno Koordinaciono tijelo za pitanje migracija u Bosni i Hercegovini (u daljem tekstu: Koordinaciono tijelo)

Koordinaciono tijelo je nadležno kontinuirano sagledavati cjelokupnu situaciju u oblasti migracija i azila, podsticati i osiguravati interresornu saradnju između relevantnih institucija koje se bave poslovima migracije i azila, vršiti procjene budućih migracionih kretanja i nadležnim institucijama predlagati mjeru za unapređenje migracione politike i pratiti provedbu strateških dokumenata. U slučaju nastanka ili očekivanja vanrednih kriznih situacija u oblasti migracija Koordinaciono tijelo djeluje kao Operativni štab za pitanje migracija u Bosni i Hercegovini (u daljem tekstu: Operativni štab). Kada Koordinaciono tijelo zasjeda kao Operativni štab u njegov sastav ulaze i predstavnici štabova sa nivoa entiteta i Brčko Distrikta BiH. Nadležnost Operativnog štaba je da koordinira aktivnosti sa nadležnim institucijama i agencijama, kao i formiranim štabovima ili drugim tijelima na nivou entiteta i Brčko distrikta BiH, te međunarodnim organizacijama i nevladinim organizacijama kako bi se prevazišla konkretna krizna situacija u oblasti migracija.

Strategijom u oblasti migracija i azila i Akcijskim planom za razdoblje 2016-2020. godina, u okviru cilja koji se odnosi na unapređenje borbe protiv nezakonitih migracija u Bosni i Hercegovini, definisana je mjeru pod nazivom „Jačanje kapaciteta nadležnih tijela u Bosni i Hercegovini da na adekvatan način reaguju u slučaju kriznih situacija u oblasti migracija“. Obzirom da se Bosna i Hercegovina 2017. godine

Uocila sa pojačanim ulaskom migranata iz Srbije i Crne Gore, Vijeće ministara Bosne i Hercegovine je na 142. sjednici, održanoj 15.5.2018. godine, usvojilo Informaciju s Akcijskim planom hitnih mjera koje se trebaju hitno poduzeti s fokusom na nezakonite migrante i propusnost granice prije svega sa istočnim susjedima Bosne i Hercegovine s pripadajućim Pregledom potrebnih dodatnih finansijskih sredstava za realiziranje Akcijskog plana hitnih mjera za borbu protiv nezakonitih migracija.

Utvrđeni prioriteti Bosne i Hercegovine u oblasti migracija i azila su:

- 1) Jačanje Granične policije Bosne i Hercegovine u svrhu bolje kontrole granice, a u cilju sprečavanja nezakonitih ulazaka na teritoriju Bosne i Hercegovine;
- 2) Jačanje kapaciteta Službe za poslove sa strancima i Sektora za imigraciju Ministarstva sigurnosti u cilju veće efikasnosti u borbi protiv nezakonitih migracija na teritoriji Bosne i Hercegovine;
- 3) Realizacija sporazuma o readmisiji i jačanje readmisijskih kapaciteta;
- 4) Jačanje kapaciteta u području azila;
- 5) Intenziviranje borbe protiv krijumčarenja migrantima.

Vijeće ministara Bosne i Hercegovine je 27.12.2018. godine usvojilo informaciju o provedbi Akcijskog plana hitnih mjera koje se trebaju poduzet s fokusom na nezakonite migrante i propusnost granice prije svega sa istočnim susjedima Bosne i Hercegovine. Od 73 aktivnosti iz Akcijskog plana hitnih mjera provedeno je 49 aktivnosti, djelimično 14 aktivnosti, a ostalo je neprovedeno deset aktivnosti zbog nedostatka finansijskih sredstava. Informacija je obuhvatila provedbu Akcijskog plana zaključno sa 30.11.2018. godine.


Rješenjem Vlade Federacije Bosne i Hercegovine o formiranju Federalnog operativnog štaba za pitanje migracija („Službene novine Federacije Bosne i Hercegovine“ br. 75/15, 15/16 i 34/19) formiran je Federalni operativni štab za pitanje migracija u Bosni i Hercegovini (u daljem tekstu: Štab). Štab je nadležan da osigura koordinirano djelovanje svih nadležnih federalnih tijela i institucija, s ciljem humanitarnog prihvata i zbrinjavanja migranata čiji se dolazak očekuje u Bosnu i Hercegovinu.

Štab je od njegovog formiranja uzeo aktivno učešće sa ostalim nivoima vlasti BiH u svim aktivnostima koje su bile provedene sa ciljem operativnog djelovanja u slučaju masovnog priliva izbjeglica. Imajući u vidu aktuelnu situaciju u vezi sa problemom nezakonitih migranata i propusnosti granice, Štab je uključen u aktivnosti na državnom nivou putem šefa Štaba koji prisustvuje sastancima Operativnog štaba, te u skladu sa nadležnostima učestvuje u realizaciji usvojenih zaključaka.

Štab će i dalje na osnovu utvrđenih nadležnosti pratiti situaciju i aktivno učestvovati u provođenju aktivnosti koje inicira Operativni štab na nivou institucija BiH, te po potrebi angažovati resurse koji su na raspolaganju u Federaciji BiH. O svim aktivnostima Štab će redovno informisati Vladu Federacije BiH.

S poštovanjem,

ŠEF FEDERALNOG OPERATIVNOG ŠTABA
ZA PITANJE MIGRACIJA

Fahrudin Solak, direktor


Dostavljeno:

- Naslovu,
- a/a.